

22 Mac 2021
Untuk Hebahan Segera



KENYATAAN MEDIA
ISLAMIC RELIEF MALAYSIA

**PROJEK SISTEM BEKALAN AIR ISLAMIC RELIEF MALAYSIA DI TIGA BUAH NEGARA
SASAR KUTIPAN DANA RM1.4 JUTA**

Bangi – Menurut laporan Tabung Kanak-Kanak Pertubuhan Bangsa-Bangsa Bersatu (UNICEF), kira-kira 2.2 bilion penduduk di seluruh dunia kurang mendapat akses kepada sumber air bersih untuk diminum.

Keadaan ini banyak terjadi di kawasan luar bandar, setinggan, kawasan bencana dan negara-negara berpendapatan rendah. Akibatnya, 3.4 juta orang maut setiap tahun disebabkan jangkitan penyakit bawaan air.

Menyedari akan impak besar yang berlaku sekiranya isu ini terus berlarutan, Islamic Relief Malaysia mengambil langkah proaktif sempena Hari Air Sedunia 2021 yang disambut pada 22 Mac dengan melancarkan kempen **Dana Wakaf Sistem Air (DWAS)** bagi membina sistem bekalan air bersih di tiga buah negara iaitu Somalia, Bangladesh dan Indonesia menerusi sektor air, sanitasi dan kebersihan (WASH).

Ketua Pegawai Eksekutif Islamic Relief Malaysia, Zairulshahfuddin Zainal Abidin berkata kempen DWAS menyasarkan kutipan dana sebanyak RM1.4 juta bagi menjayakan lima projek pembinaan sistem bekalan air seperti berikut:

Negara	Projek
Somalia	1) Sistem Bekalan Air Termasuk Sistem Solar & Tangki Air 10M ³ di Baidoa. 2) Sistem Bekalan Air Termasuk Tangki Air & Saluran Paip di Baladwayne. 3) Sistem Bekalan Air Termasuk Sistem Solar & Tangki Air 25M ³ di Garowe.

Bangladesh	4) 26 Telaga Tiub 'Semi Deep' di utara Bangladesh
Indonesia	5) 7 Pam Ram Hidrolik

“Selain mewujudkan akses sumber air bersih kepada para penerima manfaat, Islamic Relief turut memberikan latihan penjagaan serta kursus baik pulih kepada ahli jawatankuasa setempat yang dilantik bagi memastikan kemudahan yang diberikan diurus tadbir serta diselenggara dengan baik pada masa akan datang.

“Bagi Islamic Relief, bantuan ini tidak hanya menyelamatkan nyawa penduduk di Somalia, Bangladesh dan Indonesia daripada ancaman penyakit bawaan air seperti kolera, cirit-birit, disentri dan sebagainya malahan untuk jangka masa panjang, ia juga dilihat mampu menaiktaraf sektor pertanian, perindustrian, perikanan dan penjanaaan sumber tenaga elektrik di negara tersebut.

“Inisiatif ini turut memberi peluang dan masa depan baharu buat kanak-kanak di Somalia khususnya untuk kembali meneruskan pembelajaran mereka di sekolah tanpa perlu menghabiskan masa yang banyak setiap hari untuk mengangkut air dengan berjalan kaki dalam jarak yang jauh,” jelas Zairulshahfuddin.

Islamic Relief Malaysia memilih Somalia sebagai salah satu lokasi projek sebagai kesinambungan kejayaan pembinaan dua kompleks telaga air pada tahun 2018 dan satu kompleks air pada awal tahun 2021 hasil sumbangan orang ramai menerusi kempen Dana Wakaf Air Somalia (DWAS 1.0) dan Dana Wakaf Air Somalia 2.0 (DWAS 2.0) sebelum ini. Usaha ini juga diharapkan dapat memberi penyelesaian jangka masa panjang kepada rakyat Somalia yang diancam kebuluran sejak tahun 2011.

Di Bangladesh, Islamic Relief Malaysia berharap dengan adanya kemudahan ini dapat mengurangkan peratusan 73 juta penduduk Bangladesh yang terpaksa menggunakan air tercemar dengan kandungan arsenik dan virus E. Coli bagi kegunaan harian.

Manakala di Indonesia pula, Bank Dunia melaporkan bahawa meskipun pendapatan per kapita negara itu lebih tinggi daripada Filipina dan Vietnam, namun Indonesia masih jauh ketinggalan dari sudut kemudahan air, sanitasi dan kebersihan. Pembuangan najis secara terbuka juga masih berlaku dan ia boleh mengakibatkan sumber air tercemar serta membawa kepada penularan penyakit cirit-birit.

Justeru, Islamic Relief Malaysia sangat berharap usaha murni ini mendapat sokongan daripada seluruh rakyat Malaysia dalam usaha membantu meringankan beban para penerima manfaat serta menyokong Matlamat Pembangunan Lestari (SDG) yang ke-6 iaitu memastikan semua lapisan masyarakat di seluruh dunia mendapat akses kepada bekalan air bersih dan sistem sanitasi yang baik.

Kempen DWAS yang dilancarkan hari ini, 22 Mac 2021 akan berlangsung sehingga 31 Disember 2021.

Orang ramai yang ingin menyumbang untuk kempen Dana Wakaf Sistem Air dengan tagline Setitis Harapan, boleh berbuat demikian di <http://bit.ly/dwas-irmalaysia> atau hubungi 03-8926 3434 untuk maklumat lanjut.

Mengenai Islamic Relief

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, pembangunan mampan bersepadu, pengurangan risiko bencana dan advokasi.

Mengenai Islamic Relief Malaysia

YABhg. Tun Dr. Mahathir Mohamad telah merasmikan penubuhan Islamic Relief Malaysia pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Untuk mendapatkan maklumat lanjut mengenai program kemanusiaan Islamic Relief Malaysia, sila layari laman web rasmi www.islamic-relief.org.my atau hubungi talian tetap 03-8926 3434.

Sebarang sumbangan boleh disalurkan melalui beberapa kaedah berikut:

1) Melalui akaun Islamic Relief Malaysia:

MAYBANK ISLAMIC | 5621 4270 8704

MBSB BANK | 1005 0251 0000 0166

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

2) Sumbangan Tunai atau Kad Kredit di Charity Shoppe

3) Platform Atas Talian:

Laman Web Islamic Relief Malaysia | LaunchGood | Give.Asia | Kitafund | Shopee | Grab | TouchNGo | SnapNPay

Fikir KEMANUSIAAN, Fikir ISLAMIC RELIEF!

Zairulshahfuddin Zainal Abidin,

Ketua Pegawai Eksekutif

Islamic Relief Malaysia

- Tamat-

Dikeluarkan oleh,
Islamic Relief Malaysia-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Bahagian Komunikasi Strategik**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my
Aduan atau maklum balas: feedback.irmalaysia@islamic-relief.org.my atau
WhatsApp: [+6019-630 9788](https://wa.me/60196309788)